

**KJKP "VODOVOD I KANALIZACIJA" d.o.o. SARAJEVO**  
**DIREKTOR**  
**Izvod broj: KZ 77/18**

Sarajevo, 26.07 .2018.godine

Na osnovu člana 69. stav 2. tačka d) i člana 70. stav 1. 4. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo i člana 41. Statuta preduzeća, na preporuku Komisije za javnu nabavku broj KZ 77/18 od 10.07.2018. godine, u postupku javne nabavke roba br. KZ 77/18-"Lamele za taložnik u filterskom postrojenju", donosi se :

**O D L U K A**  
o poništenju postupka javne nabavke

**Član 1.**

Poništava se postupak javne nabavke broj KZ 77/18 za nabavku roba : "Lamele za taložnik u filterskom postrojenju", iz razloga jer nijedna od primljenih ponuda nije prihvatljiva, a sve u skladu sa odredbama člana 69. stav 2. tačka d) ZJN.

**Član 2.**

Ova odluka objavit će se na web stanici : [www.viksa.ba](http://www.viksa.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 3.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj : KZ 77/18 od 08.06.2018.godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a iznosi : 15.000,00 KM.

Obavještenje o nabavci broj: 247-7-1-144-3-223/18 poslato je na objavljivanje na Portal javnih nabavki dana 13.06.2018.godine.

Sastanku prisustvuju članovi Komisije za javnu nabavku imenovani Rješenjem br.18-12-01/17 od 18.12.2017.g., Rješenjem br.23-02-01/18 od 23.02.2018.god.,osim Kujundžić Elme,dipl.pravnik i dopunskim Rješenjem članova komisije broj KZ 77/18-1 od 08.06.2018.god.

Komisija za javnu nabavku dostavila je dana 19.07.2018.god., Preporuku o poništenju postupka javne nabavke roba: "Lamele za taložnik u filterskom postrojenju " - tender broj KZ 77/18

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda : 2 (dvije) ponude – "NOBILIS" d.o.o. Sarajevo i "Regeneracija"d.o.o. Velika Kladuša

- Da je blagovremeno zaprimljeno: 2 (dvije) ponude - "NOBILIS" d.o.o. Sarajevo i "Regeneracija"d.o.o. Velika Kladuša
- Da nije bilo neblagovremeno zaprimljenih ponuda

Dostavljanje zapisnika sa otvaranja ponuda izvršeno je prema ponuđačima u zakonskom roku.

Navedeni ponuđači su preuzeli tendersku dokumentaciju sa Portala javnih nabavki i samim tim ostvarili pravo učešća u postupku.

Komisija je utvrdila da dostavljena ponuda ponuđača:"NOBILIS" d.o.o.Sarajevo i ponuđača "Regeneracija"d.o.o.Velika Kladuša ispunjava zahtjevane TD uslove prema obliku i potpunosti u smislu pripreme ponude.

Pregledom ponuda koje su zadovoljile uslove u formalnom smislu, Komisija je pristupila analizi dokumentacije priložene uz ponudu u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala slijedeće:

Komisija konstatuje da ponuđač „Regeneracija“ d.o.o. Velika Kladuša, ispunjava kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Ponuđač „NOBILIS“ d.o.o. Sarajevo je u svrhu dokazivanja da ispunjava postavljeni tenderski uslov iz tačke 14.3 tenderske dokumentacije „Sposobnost obavljanja profesionalne djelatnosti“ dostavio ovjerenu kopiju „Rješenje o registraciji“, broj 065-0-Reg-09-000108 sa datumom izdavanja 26.01.2009. godine. Obzirom da je datum izdavanja dostavljenog dokumenta 26.01.2009. godine a momenat predaje ponude 03.07.2018. godine, konstatovano je da je dostavljeno rješenje starije od tri mjeseca od dana izdavanja a računajući od dana predaje ponude, a što nije u skladu sa postavljenim tenderskim uslovom koji se tiče starosti zahtijevanog dokumenta.

Ponuđač „NOBILIS“ d.o.o. Sarajevo nije postupio u skladu sa postavljenim tenderskim uslovom iz tačke 14.3 tenderske dokumentacije, kojim je izričito zahtijevano da je ponuđač u svrhu dokazivanja sposobnosti obavljanja profesionalne djelatnosti dužan dostaviti : *Original ili ovjerenu fotokopiju Aktuelnog izvoda iz sudskog registra ovjerenu od strane nadležnog organa – (Sud, Općina ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude (Član 46. ZJN BiH), kojim se dokazuje da ponuđač ima pravo na obavljanje profesionalne djelatnosti i/ili da je registrovan u relevantnim profesionalnim ili drugim registrima zemlje u kojoj je registrovan ili da osigura posebnu izjavu ili potvrdu nadležnog organa kojom se dokazuje pravo da obavlja profesionalnu djelatnost, koja je u vezi sa predmetom nabavke.*

Komisija je utvrdila da ponuđač „NOBILIS“ d.o.o. Sarajevo nije dostavio zahtijevani dokaz sposobnosti obavljanja profesionalne djelatnosti u formi i na način kako je traženo tenderskom dokumentacijom, zbog čega se ponuda ovog ponuđača odbacuje kao neprihvatljiva, a sve u skladu sa članom 68. stav (4) pod i) Zakona o javnim nabavkama.

Pregledom ponuda ponuđača „Regeneracija“ d.o.o. Velika Kladuša konstatovano je da navedeni ponuđač dostavljeni obrasci „Povjerljive informacije“ - Prilog 5., nije popunio u skladu sa zahtjevima tenderske dokumentacije gdje je navedeno: „**Ukoliko imaju povjerljivih informacija, potrebno je da ponuđači popune i u ponudi dostave Obrazac „Povjerljive informacije“ dat u Prilogu 5. ove tenderske dokumentacije. Ukoliko ponuđač ne navede pravni osnov za klasifikaciju dokumenta/informacija povjerljivim, ugovorni organ iste**

neće smatrati povjerljivim uopšte. Ukoliko ponuđač nema povjerljivih informacija potrebno je da to naznači u obrascu.

Nepopunjavanjem navedenog obrasca ponuđač „Regeneracija“ d.o.o. Velika Kladuša nije ispunio zahtjeve ugovornog organa odnosno nije postupio u skladu sa tačkom 43. tenderske dokumentacije „Povjerljivost dokumentacije privrednih subjekata“.

Polazeći od gore navedenih konstatacija i činjenice da za predmetnu nabavku **nijedna od primljenih ponuda nije prihvatljiva**, Komisija je utvrdila da su ispunjeni uslovi iz člana 69. stav 2.tačka d) ZJN BiH,čime su se stekli zakonski uslovi za poništavanje postupka javne nabavke.

Iz gore navedenih razloga, primjenom člana 69. stav 2. tačka d) ZJN, donesena je Odluka o poništenju postupka kao u članu 1. ove odluke.

*Marder!*

**Pouka o pravnom lijeku:**

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Dostaviti:

-Ponuđač

-a/a



*Azra Muzur*  
v.d. Direktor

Azra Muzur, dipl.inž.grad.